

“Ёш китобхон” танловини ўтказиш тартиби тўғрисида НИЗОМ

I. Умумий қоидалар

1. Мазкур Низом ёшлар ўртасида “Ёш китобхон” танловини (кейинги ўринларда – Танлов деб юритилади) ўтказиш тартибини белгилайди.

2. Ушбу Танлов ёшлар ўртасида китобхонлик маданиятини оширишга қаратилган устувор вазифаларни изчил амалга оширишга йўналтирилган.

3. Танловни юқори савияда ўтказиш учун Ўзбекистон ёшлар иттифоқи, Ўзбекистон Матбуот ва ахборот агентлиги, Ўзбекистон Республикаси Олий ва ўрта маҳсус таълим, Халқ таълими вазирликлари ташкилий-амалий ишлар бўйича, Ўзбекистон Ёзувчилар уюшмаси, Республика Маънавият ва маърифат маркази, Алишер Навоий номидаги Тошкент давлат ўзбек тили ва адабиёти университети илмий-ижодий ишлар бўйича масъул ташкилотлар этиб белгиланади.

4. Республикада истиқомат қилаётган миллати ва тилидан қатъий назар 10 ёшдан 30 ёшгача бўлган барча ёшлар Танловда иштирок этиш хуқуқига эга. Иштирокчилар талабидан келиб чиқиб, уларнинг Танлов жараённида рус ва қорақалпоқ тилларидан фойдаланишига рухсат берилади.

5. Ташкилий қўмита Танлов низомига ўзгартириш ва қўшимчалар киритиш ваколатига эга.

II. Танловнинг мақсад ва вазифалари

6. Қадимий ва бетакрор диёrimиздан етишиб чиқсан буюк аллома, адаб ва мутафаккирларимизнинг бой маънавий меросини, умумбашарий цивилизация, маданият, дунёвий ва диний илм-фан тараққиётига улкан ҳисса қўшган улуғ аждодларимизнинг ноёб асарларини асраб-авайлаш, келгуси авлодларга безавол етказиш, уларнинг нодир меросини, ибратли ҳаёти ва ижтимоий фаолиятини ҳар томонлама чуқур ўрганиш ва тарғиб этиш, ёшларимизни ўзликни англаш, миллий ва умуминсоний қадриятларга ҳурмат руҳида тарбиялаш, улар ўртасида китобхонлик маданиятини кенг оммалаштириш мақсадида ташкил этилади.

7. Танловни ташкил этиш орқали қуидаги вазифалар бажарилиши кўзда тутилади:

ёшларнинг барча қатламларини китоб ўқишига даъват этиш ҳамда китоб ўқишига бўлган қизиқиш ва интилишларини қўллаб-қувватлаш, жойларда адабий муҳит шаклланишига эришиш;

ёшлар онгida Ватанимиз тарихи, миллий ва умуминсоний қадриятлар, ижтимоий ҳаёт ҳақидаги тушунча ва билим-кўникмаларини янада юксалтириш;

қадимий ва бетакрор диёrimиздан етишиб чиқсан буюк аллома, адаб ва мутафаккирларимизнинг бой маънавий меросини, умумбашарий цивилизация, маданият, дунёвий ва диний илм-фан тараққиётига улкан ҳисса қўшган улуғ аждодларимизнинг ноёб асарларини асраб-авайлаш;

ёшларни ўзликни англаш, миллий ва умуминсоний қадриятларга ҳурмат рухида тарбиялаш, улар ўртасида китобхонлик маданиятини кенг оммалаштириш.

III. Танловни ташкил этиш ва ўтказиш тартиби, баҳолаш мезонлари

8. Танловни ташкил этиш ва уни ўтказиш вазифаси Республика ишчи гурухи зиммасига юклатилади.

Республика ишчи гуруҳи:

Танлов ўтказиш борасида қарор қабул қиласи;

Танловнинг асосий босқичлари ва тартиб-қоидалари ҳақида иштирокчиларни хабардор қиласи;

барча иштирокчилар учун тенг шароитларни яратади;

танлов ўтказиш борасида ошкораликни таъминлайди;

муддатидан олдин Танлов натижалари ҳақида маълумотлар тарқалишининг олдини олиш чораларини кўради;

Танлов иштирокчилари ўртасида юзага келадиган низоларни ҳал этади;

мазкур Низомга асосланган ҳолда Танловни ўтказилишини ташкил этади.

9. Танловда иштирок этишини хоҳловчи ёшлар Ўзбекистон ёшлар иттифоқининг таълим муассасаларидағи бошланғич ташкилотлари ёки маҳаллий Кенгашларига ариза билан мурожаат қилиб, ўзи ҳақидаги тегишли маълумотлар (танлов анкетаси, тугилганлик ҳақидаги гувоҳнома ёки паспорт нусхалари)ни тақдим этади.

10. Танловда ёшлар ўзлари яшаётган ёки ўзлари ўқиётган (ишилаётган) муассасаси жойлашган худуддан иштирок этади.

11. Танлов қуидаги учта ёш тоифаси бўйича алоҳида-алоҳида тартибда ўтказилади:

10 ёшдан 14 ёшгacha бўлган ёшлар;

15 ёшдан 19 ёшгacha бўлган ёшлар;

20 ёшдан 30 ёшгacha бўлган ёшлар.

Танловда иштирокчиларнинг ёши ариза топширган сана бўйича инобатга олинади.

12. Танлов тўрт босқичда ташкил этилади.

Биринчи босқич танловнинг аризалар қабул қилиш ва саралаш босқичи бўлиб, унда танловда иштирок этиш истагини билдирган ёшлардан аризалар қабул қилинади ва иштирокчилар тест синови асосида сараланади.

Аризалар ҳар йили 1 июнь кунига қадар Ўзбекистон ёшлар иттифоқининг бошланғич ташкилот етакчилари ҳамда туман (شاҳар) Кенгашлари томонидан қабул қилинади.

Тест синови ҳар йили июнь ойида ўтказилади. Унда ариза топширган ёшлар ўзбек ва жаҳон адабиётига, буюк адилларимиз ҳаёти ва ижодига оид 50 та тест саволларига жавоб беришади.

Ҳар бир тўғри жавоб учун 2 баллдан белгиланади.

Тест натижаларига кўра 86 ва ундан юқори балл тўплаган иштирокчилар кейинги (иккинчи) босқичда иштирок этиш хуқукини қўлга киритади.

Иккинчи босқич танловнинг маҳаллий босқичи бўлиб, ҳар йили июль ойида барча туман (шаҳар)лар миқёсида саралаш босқичида 86 ва ундан юқори баллни қўлга киритган иштирокчилар ўртасида қўйидаги шартлар асосида ўтказилади:

“Ўзбек адабиёти билимдони” шарти.

Ушбу шартда Республика ишчи гуруҳи томонидан тавсия этилган ўзбек адабиётига оид китобларнинг мазмун-моҳияти, ғояси ва аҳамиятини иштирокчиларнинг шарҳлаб бериши сўралади. Шарҳлаш жараёнида иштирокчи билимини текшириш мақсадида Ҳакамлар ҳайъати томонидан қўшимча саволлар берилиши мумкин.

Иштирокчилар бадий асар номини билет тортиш орқали танлайди, тайёргарлик кўриш учун 1 дақиқа, жавоб бериш учун 3 дақиқа вақт белгиланади. Мазкур шарт учун 100 баллгача баҳо берилади.

“Жаҳон адабиёти билимдони” шарти.

Ушбу шартда Республика ишчи гуруҳи томонидан тавсия этилган жаҳон адабиётига оид китобларнинг мазмун-моҳияти, ғояси ва аҳамияти тўғрисида иштирокчилар шарҳлаб бериши сўралади. Шарҳлаш жараёнида иштирокчи билимини текшириш мақсадида Ҳакамлар ҳайъати томонидан қўшимча саволлар берилиши мумкин.

Иштирокчилар китоб номини билет тортиш орқали танлайди, тайёргарлик кўриш учун 1 дақиқа, жавоб бериш учун 3 дақиқа вақт белгиланади. Мазкур шарт учун 100 баллгача баҳо берилади.

Ҳар бир ёш тоифаси бўйича ғолибликни қўлга киритган иштирокчилар (жами 3 нафар) ҳудудий босқичга йўлланма олади.

Учинчи босқич танловнинг ҳудудий (Қорақалпоғистон Республикаси, вилоятлар ва Тошкент шаҳар) босқичи бўлиб, ҳар йили август-октябрь ойларида қўйидаги 2 та шарт асосида телетанлов шаклида ўтказилади.

“Буюк мутафаккир ва адаб” шарти.

Ушбу шартда Экспертлар комиссияси томонидан тавсия этилган улуғ алломалар, ўзбек ва жаҳон адабиёти намоёндалари ҳақида маълумот беришлари сўралади, иштирокчи билимини текшириш мақсадида Ҳакамлар ҳайъати томонидан қўшимча саволлар берилиши мумкин.

Иштирокчилар улуғ алломалар, ўзбек ва жаҳон адабиёти намоёндалари номини билет тортиш орқали танлайди, тайёргарлик кўриш учун 1 дақиқа, жавоб бериш учун 2 дақиқа вақт белгиланади. Мазкур шарт учун 100 баллгача баҳо берилади.

“Бадий асарлар билимдони” шарти.

Ушбу шартда Республика ишчи гуруҳи томонидан тавсия этилган бадий асарларнинг мазмун-моҳияти, ғояси ва аҳамиятини иштирокчиларнинг шарҳлаб бериши сўралади. Шарҳлаш жараёнида иштирокчи билимини текшириш мақсадида Ҳакамлар ҳайъати томонидан қўшимча саволлар берилиши мумкин.

Иштирокчилар бадиий асар номини билет тортиш орқали танлайди, тайёргарлик кўриш учун 1 дақиқа, жавоб бериш учун 3 дақиқа вақт белгиланади. Мазкур шарт учун 100 баллгача баҳо берилади.

Ҳар бир ёш тоифаси бўйича ғолибликни кўлга киритган 1 нафардан (жами 3 нафар) иштирокчилар Республика босқичига йўлланма олади.

Тўртинчи босқич танловнинг Республика босқичи бўлиб, ҳар йили ноябрь-декабрь ойлари давомида “Ёшлар” телеканали орқали телетанлов шаклида, қуйидаги 4 та шарт асосида ўтказилади:

1-шарт. “Ўзбек адабиёти билимдони” шарти.

Ушбу шартда Республика ишчи гуруҳи томонидан тавсия этилган бадиий асарларнинг мазмун-моҳияти, ғояси ва аҳамиятини иштирокчиларнинг шарҳлаб бериши сўралади. Шарҳлаш жараёнида иштирокчи билимини текшириш мақсадида Ҳакамлар ҳайъати томонидан қўшимча саволлар берилиши мумкин.

Иштирокчилар бадиий асар номини билет тортиш орқали танлайди, тайёргарлик кўриш учун 1 дақиқа, жавоб бериш учун 3 дақиқа вақт белгиланади. Мазкур шарт учун 100 баллгача баҳо берилади.

2-шарт. “Жаҳон адабиёти билимдони”.

Актёрлар томонидан бирор асардаги сюжетга оид эпизод ижро этилади.

Иштирокчидан ушбу асар номини айтиши ҳамда унинг мазмун-моҳияти, ғояси ва аҳамияти тўғрисида шарҳлаб бериши сўралади. Шарҳлаш жараёнида иштирокчи билимини текшириш мақсадида Ҳакамлар ҳайъати томонидан қўшимча саволлар берилиши мумкин.

Тайёргарлик кўриш учун 1 дақиқа, жавоб бериш учун 3 дақиқа вақт белгиланади. Мазкур шарт учун 100 баллгача баҳо берилади.

3-шарт. “Буюк мутафаккир ва адаб”.

Ушбу шартда иштирокчилар 4 тагача улуғ алломалар, ўзбек ва жаҳон адабиёти намоёндалари номини билет тортиш орқали танлайди, тайёргарлик кўриш учун 1 дақиқа, жавоб бериш учун 2 дақиқа вақт белгиланади.

Иштирокчилардан улуғ алломалар, ўзбек ва жаҳон адабиёти намоёндалари ҳаёти, фаолияти ва ижоди ҳақида маълумот беришлари сўралади. Иштирокчи билимини текшириш мақсадида Ҳакамлар ҳайъати томонидан қўшимча саволлар берилиши мумкин.

Ҳар бир улуғ алломалар, ўзбек ва жаҳон адабиёти намоёндалари тўғрисида маълумот берганлик учун 25 баллгача баҳо берилади.

4-шарт. “Шеърият”.

Ушбу шартда иштирокчилар Экспертлар комиссияси томонидан тавсия этилган шеърий парчани давом эттириши ҳамда мазмун-моҳиятини шарҳлаб бериши сўралади.

Иштирокчиларга тайёргарлик кўриш учун 1 дақиқа, жавоб бериш учун 2 дақиқа вақт белгиланади. Мазкур шарт учун 100 баллгача баҳо берилади.

13. Танловнинг маҳаллий, худудий ва республика босқичлари бўлиб ўтадиган жойи, санаси Республика ишчи гуруҳи томонидан белгиланади ҳамда 3 кун олдин иштирокчиларга маълум қилинади.

14. Танловлар жараёнида фойдаланиладиган саволлар ва тестлар мажмуаси Республика ишчи гурухи томонидан танловнинг барча босқичлари учун алоҳида-алоҳида тузилади, маҳсус конвертларга солиниб, муҳрланади ҳамда жойларга етказилади.

15. Танловнинг ҳудудий ва республика босқичларида юқоридаги шартлар мавзуси сақланган ҳолда, шартлар мазмуни ва тартиби телетанловга мослаштирилган шаклда ўтказилиши мумкин.

Танлов шартларидағи ўзгаришлар бўйича иштирокчилар беллашувдан камида 3 кун олдин хабардор қилинади.

16. Танловнинг ҳар бир босқичида шоир-ёзувчилар, ўқитувчилар, журналистлар ва бошқа мутахассислардан иборат Ҳакамлар ҳайъатлари тузилади.

Ҳакамлар ҳайъати иштирокчиларни баҳолашда уларнинг белгиланган китобларни ўқиганини текширади ҳамда моҳиятини тўғри тушунгани ва ифода этиб бера олиш қобилиятига қараб баҳолайди.

17. Танловнинг маҳаллий босқичи ўтадиган кундан камида бир ой олдин белгиланган китоблар рўйхати эълон қилинади ҳамда китоблар рўйхатини тузишда иштирокчиларнинг ёш тоифаси инобатга олинади.

18. Барча шартлар бўйича умумий баллар қўшиб ҳисобланганда энг юқори кўрсаткичга эришган иштирокчи танловнинг ғолиби деб топилади. Агар иштирокчилар ўртасида умумий тўпланган баллар teng келиб қолган тақдирда, I, II ва III ўринларни тақсимлаш Ҳакамлар ҳайъати аъзолари томонидан ҳал этилади. Бунда баллари teng келиб қолган иштирокчиларга қўшимча 5 тадан тест саволлари берилади. Шундан сўнг ҳам уларнинг жавоблари бир хил чиқса, бу жараён ғолиб аниқлангунга қадар давом этади.

Шунингдек, буюк аллома, адаб ва мутафаккирларимиз меросини чуқур ўрганиш мақсадида ҳамда уларнинг юбилей саналари муносабати билан ҳамкор ташкилотлар томонидан муайян йўналишларда қўшимча номинациялар таъсис этилиши мумкин. Қўшимча номинациялар ҳақида маълумот ҳар йилги танловлар эълонида маълум қилинади.

19. Ҳакамлар ҳайъати томонидан қабул қилинган қарорга нисбатан қарор нусхаси берилган санадан бошлаб 3 кунлик муддат ичida манфаатдор шахс Республика ишчи гурухiga апелляция тартибида шикоят киритиш хуқуқига эга.

20. Республика ишчи гурухи 10 кунлик муддат ичida мурожаатни кўриб чиқиб, қуйидаги қарорлардан бирини қабул қиласи ва қарор нусхасини мурожаат қилган шахсга юборади:

шикоятни қаноатлантиришни рад этиб, Ҳакамлар ҳайъатининг қарорини ўзгаришсиз қолдириш;

шикоятни қаноатлантириб, Ҳакамлар ҳайъати қарорини қисман ёки бутунлай бекор қилиб, янги қарор қабул қилиш.

21. Республика ишчи гурухи апелляция тартибида шикоятни кўриб чиқиши баённома билан расмийлаштирилади.

IV. Ғолибларни тақдирлаш

22. Танлов ғолиблари қуйидаги тартибда тақдирланади:

Танловнинг маҳаллий босқичи ғолиблари:

учта тоифада 1-ўринни эгаллаган иштирокчиларнинг ҳар бири планшет, диплом ва Қорақалпоғистон Республикаси, вилоятлар ва Тошкент шаҳар босқичига йўлланма билан;

учта тоифада 2-ўринни эгаллаган иштирокчиларнинг ҳар бири уяли телефон ва диплом билан;

учта тоифада 3-ўринни эгаллаган иштирокчиларнинг ҳар бири ўзбек ва жаҳон адабиётининг дурдона асарларидан иборат (20 та) китоблар жамланмаси ва диплом билан тақдирланади.

Танловнинг Қорақалпоғистон Республикаси, вилоятлар ва Тошкент шаҳар босқичи ғолиблари:

учта тоифада 1-ўринни эгаллаган иштирокчиларнинг ҳар бири ноутбук, диплом ва танловнинг республика босқичига йўлланма билан;

учта тоифада 2-ўринни эгаллаган иштирокчиларнинг ҳар бири планшет ва диплом билан;

учта тоифада 3-ўринни эгаллаган иштирокчиларнинг ҳар бири ўзбек ва жаҳон адабиётининг дурдона асарларидан иборат (50 та) китоблар жамланмаси ва диплом билан тақдирланади.

Танловнинг Республика босқичи ғолиблари:

учта тоифада 1-ўринни эгаллаган иштирокчиларнинг ҳар бири “Президент совфаси” енгил автомобиль, диплом ва “Ёш китобхон” статуэткаси билан;

учта тоифада 2-ўринни эгаллаган иштирокчиларнинг ҳар бири компьютер жамланмаси (моноблок), принтер (1x3), диплом ва “Ёш китобхон” статуэткаси билан;

учта тоифада 3-ўринни эгаллаган иштирокчиларнинг ҳар бири ўзбек ва жаҳон адабиётининг дурдона асарларидан иборат (200 та) китоблар жамланмаси, диплом ва “Ёш китобхон” статуэткаси билан;

қолган барча республика босқичи иштирокчиларининг ҳар бири ўзбек ва жаҳон адабиётининг дурдона асарларидан иборат (20 та) китоблар жамланмаси ва сертификат билан тақдирланади.

V. Танловнинг молиялаштириш манбалари

23. Танловни ўтказиш билан боғлиқ сарф-харажатлар қуйидаги манбалар хисобидан:

Ўзбекистон ёшлар иттифоқини ривожлантириш жамғармаси маблағлари;

қонун ҳужжатларида тақиқланмаган бошқа манбалар хисобидан молиялаштирилади.

**ЎЗБЕКИСТОН РЕСПУБЛИКАСИ ПРЕЗИДЕНТИНИНГ ҚАРОРИ
12.05.2018 й. Н ПҚ-3721**

**БУЮК АЛЛОМАЛАР, АДИБ ВА МУТАФАККИРЛАРИМИЗ ИЖОДИЙ
МЕРОСИНИ КЕНГ ЎРГАНИШ ВА ТАРФИБ ҚИЛИШ МАҚСАДИДА ЁШЛАР
ЎРТАСИДА КИТОБХОНЛИК ТАНЛОВЛАРИНИ ТАШКИЛ ЭТИШ
ТҮҒРИСИДА**

Бугунги кунда мамлакатимизда 2017-2021 йилларда Ўзбекистон Республикасини ривожлантиришнинг бешта устувор йўналиши бўйича **Ҳаракатлар стратегияси** асосида барча соҳа ва тармоқларда улкан ўзгаришлар амалга оширилмоқда. Бу борада жамият ҳаётида эзгу қадрият ва анъаналарни чукур қарор топтиришга, хусусан, халқимиз, айниқса, ёш авлоднинг маънавий-интеллектуал салоҳияти, онгу тафаккури ва дунёқарашини юксалтириш, уларнинг қалбидаги Ватанимиз ҳамда халқимизга муҳаббат ва садоқат туйғусини кучайтириш, баркамол шахсни тарбиялашда беқиёс аҳамиятга эга бўлган китобхонлик маданиятини оширишга алоҳида эътибор қаратилмоқда.

Қадимий ва бетакрор диёримиздан етишиб чиққан буюк аллома, адид ва мутафаккирларимизнинг юксак гуманистик ғояларга асосланган бой маънавий мероси умумбашарий цивилизация ва маданият, дунёвий ва диний илм-фан тараққиётига улкан ҳисса бўлиб қўшилгани дунё жамоатчилиги томонидан ҳақли равишда эътироф этилади.

Улуғ аждодларимизнинг ақл-заковати ва бадиий даҳоси билан яратилган ноёб асарлар, хусусан, математика, минералогия, астрономия, кимё, тиббиёт, фармацевтика, меъморлик, тарих, адабиёт, санъат, илоҳиёт, фалсафа ва бошқа соҳаларга оид манбалар нафақат бизнинг халқимиз, балки жаҳон аҳлининг бебаҳо бойлиги ҳисобланади.

Ана шундай беқиёс меросимиз асосида ташкил этилган "Ёш китобхон" танловида 250 минг нафарга яқин ёш иштирок этиб, танлов ғолибларига "Президент совғаси" - енгил автомашина топширилгани ёшлар ўртасида китобхонлик маданияти ривожланишига муҳим таъсир ўтказди.

Буюк адид ва мутафаккирларимизнинг нодир мероси, ибратли ҳаёти ва ижтимоий фаолиятини ҳар томонлама чукур ўрганиш ва тарфига этиш, ёшларимизни ўзликни англаш, миллий ва умуминсоний қадриятларга хурмат руҳида тарбиялаш, улар ўртасида китобхонлик маданиятини кенг оммалаштириш мақсадида:

1. Ўзбекистон ёшлар иттифоқи, Ўзбекистон Матбуот ва ахборот агентлиги, Ўзбекистон Республикаси Олий ва ўрта маҳсус таълим вазирлиги, Халқ таълими вазирлиги, Ўзбекистон Ёзувчилар уюшмаси, Республика Маънавият ва маърифат маркази ҳамда жамоатчилик вакилларининг мамлакатимиз ёшлари ўртасида ўтказилган китобхонлик танловларини ижобий баҳолаган ҳолда, ушбу танловларни ўтказиш тизимини янада такомиллаштириш тўғрисидаги таклифлари маъқуллансан.

2. Буюк аллома, адид ва мутафаккирларимиз ижодий меросини кенг ўрганиш ва тарфига қилиш мақсадида ёшлар ўртасида "Ёш китобхон" танловини (кейинги ўринларда танлов деб аталади) ўтказиш бўйича ташкилий қўмита таркиби иловага мувофиқ тасдиқлансан.

3. Белгилаб қўйилсанки:

а) танловни ўтказиш билан боғлиқ харажатлар Ўзбекистон ёшлар иттифоқининг ривожлантириш жамғармаси маблағлари ва қонун хужжатларида тақиқланмаган бошқа манбалар ҳисобидан молиялаштирилади;

б) танловни юқори савияда ўтказиш учун:

Ўзбекистон Матбуот ва ахборот агентлиги, Ўзбекистон ёшлар иттифоқи, Ўзбекистон Республикаси Олий ва ўрта маҳсус таълим вазирлиги, Халқ таълими вазирлиги ташкилий-амалий ишлар бўйича;

Ўзбекистон Ёзувчилар уюшмаси, Республика Маънавият ва маърифат маркази, Алишер Навоий номидаги Тошкент давлат ўзбек тили ва адабиёти университети илмий-ижодий ишлар бўйича масъул ташкилотлар ҳисобланади.

4. Ўзбекистон Матбуот ва ахборот агентлиги Ўзбекистон ёшлар иттифоқи, Ўзбекистон Республикаси Олий ва ўрта маҳсус таълим вазирлиги, Халқ таълими вазирлиги, Ўзбекистон Ёзувчилар уюшмаси, Республика Маънавият ва маърифат маркази билан биргалиқда ўн кун муддатда "Ёш китобхон" танловини ўтказиш тартиби тўғрисидаги низомни ишлаб чиқсин ва белгиланган тартибда тасдиқласин.

5. Мазкур Низомда:

буюк аллома, адиб ва мутафаккирларимизнинг меросини чуқур ўрганиш мақсадида алоҳида номинациялар бўйича танловлар ташкил этиш;

2018 йилги танловларни Ватанимиз тарихи ва халқимизнинг маънавий ҳаётида бекиёс ўрин тутадиган Абу Райҳон Беруний, Абу Али ибн Сино, Мирзо Улуғбек, Алишер Навоий, Заҳириддин Муҳаммад Бобур, Муҳаммад Ризо Оғаҳий, Бердақ сингари буюк мутафаккирларимиз ижоди ва фаолияти, жаҳон адабиётининг дурдона асарлари, шунингдек, "Алпомиши", "Гўрўғли", "Кунтуғмиш" каби халқ достонлари бўйича ўтказиш;

кейинги танловларни даврлаштирган ҳолда давом эттириш учун тегишли рўйхатларни шакллантириши;

танлов ғолибларини мукофотлаш ва рағбатлантиришнинг аниқ механизмларини ишлаб чиқиш, хусусан, республика босқичида биринчи ўринни эгаллаган қатнашчиларни енгил автомобиллар билан тақдирлаш, иккинчи ва учинчи ўрин соҳиблари ва фаол иштирокчиларни ҳам муносиб рағбатлантириш чоралари назарда тутилсин.

6. Ўзбекистон Матбуот ва ахборот агентлиги танлов номинацияларида белгиланган буюк аллома, адиб ва мутафаккирларимизнинг асарларини, уларнинг ҳаёти ва фаолиятига оид китоб ва рисолаларни нашрга тайёрлаш, чоп этиш ҳамда таълим муассасалари кутубхоналарига, тегишли веб-сайтларга, ахборот-ресурс марказлари ва кенг ўқувчилар оммасига етказиш чораларини кўрсин.

7. Ўзбекистон Миллий телерадиокомпанияси, Ўзбекистон Миллий ахборот агентлиги ва бошқа оммавий ахборот воситаларига ушбу қарор ижроси билан боғлиқ тадбирларни кенг ёритиш тавсия этилсин.

8. Мазкур қарорнинг ижросини назорат қилиш Ўзбекистон Республикасининг Баш вазири А.Н. Арипов, Ўзбекистон Республикаси Президентининг Давлат маслаҳатчилари Х.М. Султонов ва Қ.К. Қуранбоев зиммасига юклансин.

Ўзбекистон Республикаси Президенти
"Халқ сўзи", 2018 йил 15 май

Ш. Мирзиёев